



UNIVERSITÄTS-
BIBLIOTHEK
PADERBORN

**Volumen Epistolarum, Qvas Romani Pontifices, Gregorijs
III., Stephanvs III., Zacharias I., Pavlvs I., Stephanvs IV.,
Adrianvs et Pseudopapa Constantinus miserunt& reges
Francorum, Carolvm Martellvm, ...**

**Gretser, Jacob
[München], 1613**

LXXI.

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

LXXI.

DOMNO excellentissimo filio nostroque spiritali compatri Carolo, Regi Francorum, & Langobardorum, atq; Patricio Romanorum, Adrianus Papa. Directus à vestra insigni regali præcellentia, videlicet Ermenbertus religiosus presbyter, inter responsionis suæ verba, obtulit nobis commemoratorium, vt asserebat, vestræ Excellentie exaratum, scilicet de electione Episcoporum Rauennatis Ecclesie, quia quando Sergius Archiepiscopus obiit in electione Leonis Archiepiscopi fuerunt Missi vestri Hucbaldus vel pares sui. In hoc enim omnino valde vestram excellentiam meminisse credimus, quia, quando prædictus Sergius Archiepiscopus obiit, per suam arrogantiam Michaëlius præsumptor inuadere ausus fuit Ecclesiam Rauennatem, & per auxilium Desiderij sæuissimi Regis, ipsam enormiter inuadens Ecclesiam, diu detinebat, & à suo proprio rectore destituta atq; viduata manebat; tunc ad decessorem nostrum, sanctæ recordationis, Domnum Stephanum Papam, prædictus Hucbaldus à vestra directus regali excellentia pro cæteris causis, ab eodẽ præfato Domino Stephano Papa, per vestrum à Deo roboratum regale adminiculum, Rauennam missus est, vt eundem præfatum Michaëlium inuasorem ex ipsa Rauennate Ecclesia expelleret, & huc Romam, tanquam transgressorem sacrorum canonum, deferret, nam nos nullo modo meminimus, neq; à deprædecessoribus nostris, sanctis pontificibus, neq; à sancte recordationis, præcellentissimo genitore vestro, Domno Pippino, magno Rege, neque à vestra in triumphis regali victoria Missum ad electionem Rauennæ directum esse,

i tam

*Summ. 39.
Bar. 6
Cent.*

tam in electione Iohannis Archiepiscopi, quam in electione Gratosi Archiepiscopi eiusdem, sed dum de hac luce contigisset migrare Archiepiscopum ciuitatis Rauennatum, olitaria traditione clerus & plebes consistens sedis Apostolicæ petebant immutatam doctrinam, quatenus vna concordia, vna eademque voluntate, vnoq; consilio conglobati, Apostolicam suscipientes admonitionem, talem sibi eligerent pastorem, qui nec à sacris canonibus respueretur, nec vilo extra capitulo possit obsistere: qui cum iocunditate decreti omnium manuum subscriptione roborati ad nostram Apostolicam Sedem occurrebant, proprium sibi antistitem consecrandum, sicut & nunc canonicè factum est, petentes.

Itaq; his omnibus vestram suadentes regalem excellentiam quaesumus, vt linguas dolosas, quæ aduersus sanctam Romanam Catholicam, & Apostolicam Ecclesiam garrire simulant, procul dubio longè à vobis respuantur, & nullo modo iis iniquis & dolosis credere iubeatis, quia sicut in * Commonitorio illud referebatur, pro honore vestri Patriciatus nullus homo esse videtur in mundo, qui plus pro * vestra regali excellentia decertare moliat exaltatione quam nostra Apostolica assidua deprecatio, & sicut in nostris præcordiis, nisi vobis totis, vbique super omnes vos honorauimus & honoramus, ita amplius ac amplius honorem regni vestri præcellere omnibus, qui in mundo esse noscuntur, optamus: veruntamen & de ipsa beniuolentia, quam in vestrum gerimus culmen honoris, in vniuerso innotuit mundo, sicut nempe omnibus patet, quia die noctuque in Confessione fautoris vestri, B. Petri, non intermittimus fundere preces,

vt

* *Commonitorio illo.*

* *Gestis regalis excellentia.*

vt vna cum Domna Regina vestraque præcellsa prole
 æuis temporibusque in hoc mundo victores regnan-
 tes, in vita æterna sine fine regnare mereamini. In-
 columem excellentiam vestram gratia superna cu-
 stodiat.

SVMMARIVM EX BA-
 RONIO.

Indicat, quomodo contentionem Monachorum ad se Misso-
 rum composuerit. Et quod Potho Abbas cum decem Mona-
 chis ad Carolum Regem proficisci voluerit, vt ibidem quoque
 de obiectis criminibus se purgaret.

LXXII.

DOMNO excellentissimo filio nostroque spi-
 rituali compatri Carolo, Regi Francorum, &
 Langobardorum, atq; Patricio Romanorum,
 Adrianus Papa. Præcellsas ac à Deo inspiratas, per Re-
 uerentissimum & Sanctissimum Possessorem Archi-
 episcopum, fidelissimum Missum vestrum, sagacissi-
 mas præcipuasque Syllabas suscipientes, valde in his
 noster releuatus est animus, regales triumphos in eis
 atque sospitates reperientes, & pro hoc magnas om-
 nipotenti Deo tulimus grates, in aula fautoris vestri,
 beati Petri Apostoli diuinam exorantes clementiam:
 referebatur quippe in ipsis vestris regalibus apici-
 bus, quia causa vestra, nostra sit; & nostra, vestra,
 in hoc vero freti existimus, quia diuina inspi-
 ratione veritas hæc, procul dubio, à vobis exa-
 rata prorsus omnibus manifesta ac certa splende-
 scit; & quo ad nostrum iudicium canonice simulque

Summ. 40.
 Bar. 69
 Cent.